



JU KANTONALNA BOLNICA ZENICA DIREKTOR

Adresa: Crkvice 67, 72000 Zenica, Bosna i Hercegovina Direktor: 032 447 010
Centrala: 032 447 000 fax: 032 226 576 E-mail: kbzenica@kbze.ba

Identifikacijski broj: 4218136720007

Registrovano kod Kantonalnog suda u Zenici Rj.br: U/I 486/98 od 09.04.1999.

Broj: 33-02-351/21
Zenica, 18.01.2021. godine.

Na osnovu člana 69. i 70. Zakona o javnim nabavkama ("Službeni glasnik BiH" broj: 39/14), člana 21. Pravilnika o javnim nabavkama JU Kantonalne bolnice Zenica (broj: 20/1-1-17555 od 24.08.2016 godine), direktor Kantonalne bolnice Zenica, donosi

ODLUKU

I

Vrši se odabir ponude ponuđača „MESSER TECHNOPLIN“ D.O.O. SARAJEVO u predmetu javne nabavke robe – medicinski plinovi za potrebe JU Kantonalna bolnica Zenica ukupne vrijednosti ponude 1.836,723,00 KM bez PDV-a i dodjeljuje se okvirni sporazum na period od 2 /dvije/ godine odabranom ponuđačem na procijenjenu vrijednost nabavke u iznosu od 1.740,000,00 KM bez PDV-a.

Sa odabranim ponuđačem iz stava 1. ove Odluke, a nakon pravosnažnosti iste, zaključit će se okvirni sporazum na period od 2 /dvije/ godine na ukupnu procijenjenu vrijednost javne nabavke u iznosu od 1.740,000,00 KM bez PDV-a.

II

Javna nabavka je provedena putem otvorenog postupka sa namjerom provođenja e-aukcije, tender broj: 11-104/20.

III

Ova odluka stupa na snagu danom donošenja.

OBRAZLOŽENJE

U skladu sa članom 5. i 8. Pravilnika o uspostavljanju i radu Komisije za nabavke (Službeni glasnik BiH broj: 103/14), Komisija za javnu nabavku roba - medicinski plinovi za potrebe JU Kantonalna bolnica Zenica na period od 2 (dvije) godine, imenovana Odlukom direktora broj: 01-02-826-1/20 od 12.11.2020. godine podnosi direktoru JU Kantonalna bolnica Zenica Izvještaj o provedenom postupku javne nabavke roba- medicinski plinovi za potrebe JU Kantonalna bolnica Zenica na period od 2 (dvije) godine (otvoreni postupak, tender broj: 11-104/20), ukupne procijenjene vrijednosti 1.740.000,00 KM bez PDV-a, na dvogodišnjem nivou, otvorenim postupkom, a u skladu sa članom 19. stav 1. Zakona o javnim nabavkama BiH.

Otvoreni postupak je odabran za korištenje iz sljedećih razloga:

Članom 19. stav 1 Zakona o javnim nabavkama propisano je da Ugovorni organi iz člana 4. ovog zakona za dodjelu ugovora o javnoj nabavci primjenjuje otvoreni ili ograničeni postupak kao osnovne i redovne postupke. Obzirom da JU Kantonalna bolnica Zenica spada u ugovorne organe iz člana 4. ZJN, smatramo da su ispunjeni uslovi da se provede otvoreni postupak za javnu nabavku roba Medicinski plinovi za potrebe JU Kantonalna bolnica Zenica

Komisija je na zatvorenom sastanku održanom 29.12.2020..godine sa početkom u 09:00 sati utvrdila sljedeće:

- da je na portalu „E-nabavke“dana 12.11.2020. godine, objavljeno obavještenje o nabavci, broj: 669-1-1-453-3-404/20 i TD sa namjerom provođenja e-aukcije, te rokom prijema ponuda i javnim otvaranjem ponuda zakazanim za dan 28.12.2020. godine,
- da nije bilo postavljenih pitanja na objavljenu TD,
- Da je 03.12.2020 godine u skladu sa tačkom 34.TD ugovorni organ izvršio izmjenu TD u pogledu procjene vrijednosti i količina.
- Da je 17.12.2020 godine u skladu sa tačkom 34.TD, ugovorni organ izvršio izmjenu TD, u tački 10.5.TD, dodaje se nova izjava koju je dužan dostaviti ponuđač: Izjava ponuđača o sukcesivnoj isporuci medicinskih plinova 3(tri)puta sedmično, a da će se vandredne isporuke medicinskih plinova na zahtjev ugovornog organa vršiti po istim cijenama, a da će se troškovi prevoza u tom slučaju posebno fakturisati.
- da je javno otvaranje ponuda bilo dana 28.12.2020. godine u 10:00 sati
- da je na javnom otvaranju ponuda prisustvovao predstavnik ponuđača MESSER TECHNOPLIN d.o.o. Sarajevo, gosp. Edib Topčić,
- Da je sa portala „E-nabavke“ tendersku dokumentaciju preuzelo ukupno 4 (četiri) potencijalnih ponuđača,
- da je na (tender broj 11-104/20), u predviđenom roku pristigla 1 (jedna) ponude i to ponuda ponuđača: „MESSER TECHNOPLIN“ d.o.o. Sarajevo

Prikaz prihvatljivosti ponuda prema obliku, sadržaju i potpunosti, iz zapisnika o otvaranju ponuda:

| Redni broj omotnice ponude | Naziv ponuđača | Najniža cijena tehnički zadovoljavajuće ponude |
|----------------------------|-------------------------------------|--|
| 1. | „MESSER TECHNOPLIN“ D.O.O. SARAJEVO | Ukupna cijena ponude bez PDV-a: 1.836.723.00 KM |

Za ispunjavanje svih uslova predviđenih tenderskom dokumentacijom traženo je dostavljanje sljedećih dokumenata, obrazaca i izvjava: Ponuđač je dužan u svrhu dokazivanja lične sposobnosti (član 45. ZJN) dokazati da:

- a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa (općinskog organa uprave, suda ili notara) izjavu koja je sastavni dio tenderske dokumentacije. Izjava ne smije biti starija od 15 dana od dana predaje ponude. Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu. Ponuđač koji bude odabran kao najbolji u ovom postupku javne nabavke je dužan dostaviti sljedeće dokaze u svrhu dokazivanja činjenica potvrđenih u izjavi i to:

- a) izvod iz kaznene evidencije nadležnog suda i Suda BiH da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležne/ih institucija o uredno izmirenim obavezama po osnovu direktnih i indirektnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoj reprogramirane obaveze. Ukoliko je ponuđač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponuđač neće biti kvalifikovan u ovom postupku javne nabavke. Dokazi koje je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom. U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 7 (sedam) dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe. Ugovorni organ može diskvalifikovati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine, ali samo ukoliko može dokazati na bilo koji način, posebno značajni i/ili nedostaci koji se ponavljaju u izvršavanju bitnih zahtjeva ugovora koji su doveli do njegovog prijevremenog raskida (npr. dokaz o prijevremenom raskidu ranijeg ugovora zbog neispunjavanja obaveze u skladu sa Zakonom o obligacionim odnosima), nastanka štete (pravosnažna presuda nadležnog suda za štetu koju je pretrpio ugovorni organ), ili drugih sličnih posljedica koje su rezultat namjere ili nemara tog privrednog subjekta (dokazi u skladu sa postojećim propisima u Bosni i Hercegovini).

Ponuđač je dužan u svrhu dokazivanja sposobnosti obavljanja profesionalne djelatnosti kandidata (član 46. ZJN BiH) dokazati da je:

- a.) registrovan u odgovarajućim profesionalnim ili drugim registrima u zemlji u kojoj su osnovali firmu za obavljanje djelatnosti koja je predmet ove nabavke u vrijeme predaje ponude,
- b.) da je ovlašten distributer za predmet javne nabavke u BiH,
- c.) da posjeduje odobrenje za ADR transport/prijevoz opasnih stvari u BiH, u skladu sa Zakonom.

U svrhu dokazivanja uslova iz tačke a) ponudjač je dužan dostaviti:

- aktuelni izvod iz sudskog registra ili izjavu ili potvrdu nadležnog organa iz koje se vidi da je ponudjač registrovan za obavljanje djelatnosti koja je predmet ove nabavke u vrijeme predaje ponude.

U svrhu dokazivanja uslova iz tačke b) ponudjač je dužan dostaviti:

- autorizacija proizvođača ili glavnog distributera ponudjenih roba za BiH.

U svrhu dokazivanja uslova iz tačke c) ponudjač je dužan dostaviti:

- važeće odobrenje nadležnog organa za ADR transport opasnih stvari u skladu sa Zakonom.

Dokazi se dostavljaju kao neovjerene kopije originala, s tim da datum izdavanja originala za uslov pod tačkama a) ne može biti stariji od tri mjeseca računajući od dana dostavljanja ponude. Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 (sedam) dana od dana zaprimanja obavještenja o rezultatima ovog postupka javne nabavke. Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke.

Ekonomsko-profesionalna sposobnost ponuđača

- a) Da je glavni transakcijski bankarski račun ponuđača aktivan i solventan
- U svrhu dokazivanja uslova ponuđač je dužan dostaviti:
- Izjavu ovjerenu od strane ponuđača, koja je dostavlja u formi iz Priloga 4. TD, koja ne smije biti starija od 15 /petnaest/ dana od dana predaje ponude i dostavljanje:

- Potvrda banke ponuđača ili druge financijske institucije (npr. Centralna banka BiH) da ponuđač ima otvoren i solventan račun kod iste i da je ujedno taj račun glavni, dostavlja se kao neovjerena kopija originala, s tim da datum izdavanja originala ne može biti stariji od 15 dana računajući od dana dostavljanja ponude.

Ponuđač koji bude odabran kao najbolji u ovom postupku javne nabavke je dužan dostaviti originale ili ovjerene kopije ranije navedenih dokumenata u roku od 7 (sedam) dana od dana zaprimanja obavještenja o rezultatima ovog postupka javne nabavke. Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Ponuđač je dužan u svrhu dokazivanja tehničke sposobnosti kandidata (Član 48. i 49. ZJN BiH) dokazati:

- da je ponuđena roba upisana u registar medicinskih sredstava kod Agencije za lijekove i medicinska sredstva BiH,
- da ponuđena medicinska oprema posjeduje odgovarajuće uvjerenje o kvalitetu izdato od strane organa ovlaštenog za verifikaciju proizvođača (samo ukoliko robe tražene javnom nabavkom nema upisanih u registru sredstava kod Agencije za lijekove i medicinska sredstva BiH) ili druge nadležne institucije.

U svrhu dokazivanja uslova iz tačke a) ponuđač je dužan dostaviti:

- kopiju važećeg dokumenta (rješenje, potvrda i sl.) u opisu ponudjene robe u registar medicinskih sredstava kod Agencije za lijekove i medicinska sredstva BiH.

U svrhu dokazivanja uslova iz tačke b) ponuđač je dužan dostaviti:

- EC –Certifikat o uskladenosti ili izjave proizvođača o uskladenosti ponudjene robe s evropskom direktivom (Declaration of Conformity) ili, obična kopija, uz dostavu izjave ponuđača da će uz isporuku robe dostaviti ovjerenu kopiju saglasnosti za uvoz robe izdatog od strane Agencije za lijekove i medicinska sredstva BiH (originalan dokument),
- certifikate ili druge odgovarajuće dokumente koji dokazuju kvalitet ponuđene robe,

NAPOMENA: Primjena uslova za dokazivanja tehničke sposobnosti kandidata (Član 48. i 49. ZJN BiH) pod b), i dokaza traženih za ispunjavanje navedenog uslova primjenjuje se samo ukoliko ne bude ponuđenih medicinskih sredstava-opreme upisanih u registar kod Agencije za lijekove i medicinska sredstva BiH, a prema aktu navedene Agencije od 21.01.2016. godine. Za ponuđače koji ponude robu upisanu u registar kod Agencije za lijekove i medicinska sredstva BiH, ne traži se ispunjavanje uslova i dokaza pod b). Ukoliko bude ponuđena registrovana roba, ponude neregistrovane robe smatraće se neprihvatljive.

Ponuđač koji bude odabran kao najbolji u ovom postupku javne nabavke je dužan dostaviti original ili ovjerenu kopiju ranije navedenih dokumenata u roku od 7 (sedam) dana od dana zaprimanja obavještenja o rezultatima ovog postupka javne nabavke. Dokaz koji je dužan dostaviti izabrani ponuđač mora sadržavati potvrdu da je u momentu predaje ponude ispunjavao uslove koji se traže tenderskom dokumentacijom. Ako je period od registracije/osnivanja dobavljača kraći od perioda za koji ugovorni organ zahtijeva izjave i dokumente koji se odnose na ekonomsko i finansijsko stanje i tehničku i profesionalnu sposobnost dobavljača, dobavljač treba dostaviti dokumente samo za period od svoje registracije/osnivanja.

Izjave o uslovima isporuke predmetne robe koje su sastavni dio ponude ponuđača

U vezi sa ispunjavanjem uslova isporuke, garanciji i pružanju servisne podrške, ponuđač je dužan dostaviti sljedeće izjave:

- Izjava ponuđača o prihvatanju roka plaćanja, da će se plaćanje za isporučenu robu vršiti u roku od 60 /šezdeset/dana od dana prijema fakture na protokol ugovornog organa u skladu sa tačkom 32. TD,
- Izjava ponuđača o mjestu isporuke u skladu sa tačkom 8. TD
- Izjavu ponuđača kojom se obavezuje na posjedovanje **tromjesečnih zalih** na svom skladištu za cijelo vrijeme važenja okvirnog sporazuma a radi kontinuiranog snabdijevanja Ugovornog organa,
- Izjavu ponuđača o roku važenja ponude u trajanju od **120 /stodvadeset/ dana u skladu sa tačkom 21. TD**
- Izjava ponuđača da pristaje na elektronsko dostavljanje **narudžbi-putem e-maila i elektronsku korespondenciju sa Ugovornim organom.**
- Izjava ponuđača o roku isporuke u skladu sa tačkom 9. TD,
- Izjava ponuđača o nepromjenjivosti cijena za vrijeme trajanja okvirnog sporazuma

PONUĐA MORA SADRŽAVATI:

- Osnovne podatke o ponuđaču na memorandumu ponuđača (Adresa, sjedište, službeni e-mail ponuđača za komunikaciju i dostavu odluka, direktor, ID broj, naziv banke kod koje ima otvoren glavni račun sa brojem istog i sl.),
- Popis dokumenata uz ponudu koji čini sadržaj ponude,
- Obrazac za dostavljanje ponude; **Prilog broj 1 TD,**
- Obrazac za cijenu ponude - **Prilog broj 2 TD,**
- Izjava o ispunjenosti uslova iz člana 45. stav (1) tačaka od a) do d) ZJN BiH u skladu sa tačkom 10.1. TD- **Prilog broj 3 TD,**
- Obične kopije dokumenata kojima ponuđač dokazuje ispunjenost uslova iz člana 46. ZJN BiH u skladu sa tačkom 10.2. TD,
- Izjava i obične kopije dokumenata kojima dokazuje da ispunjava tražene uslova iz člana 47. ZJN BiH u skladu sa tačkom 10.3. TD - **Prilog broj 4 TD,**
- Obične kopije dokumenata/ dokaza kojima ponuđač dokazuje tehničku i profesionalnu sposobnost. (članovi 48 i 49. ZJN BiH),
- Obrazac izjave o dostavi garancije za uredno izvršenje ugovora, **Prilog broj 5 TD,**
- Pismena izjava ponuđača iz člana 52. ZJN BiH - **Prilog 6 TD,** ovjerena od strane nadležnog organa (općinskog organa uprave, suda ili notara),
- Obrazac povjerljive informacije, **Prilog broj 7 TD,**
- Potpisan Nacrt okvirnog sporazuma, **Prilog broj 8,**
- Obrazac izjave o prihvatanju općih i posebnih uslova tenderske dokumentacije, **Prilog broj 9 TD,**
- Izjave ponuđača iz tačke 10.5. TD, potpisane i ovjerene od strane ovlaštene osobe,
- Obrazac garancije za uredno izvršenje ugovora, **Prilog 10 TD,**

- p) Original uvjerenja Vanjskotrgovinske komore Bosne i Hercegovine, Sektor za javna dokumenta u slučaju da ponudjač podliježe primjeni preferencijalnog tretmana domaćeg.
- q) Ukoliko ponudu, umjesto lica upisanog u sudski registar, potpisuje ovlašteno lice, potrebno je uz ponudu, dostaviti i original ili ovjerenu fotokopiju punomoći lica ovlaštenog za potpisivanje ponude.

KOMISIJA KOJA PROVODI PREDMETNU JAVNU NABAVKU KONSTATUJE DA JE PONUDAČ „MESSER TECHNOPLIN“ D.O.O. SARAJEVO UZ PONUDU ZA NABAVKU ROBE – MEDICINSKI PLINOVI ZA POTREBE JU KANTONALNA BOLNICA ZENUCA DOSTAVIO SLJEDEĆE DOKUMENTE, I TO:

- Naslovna strana ponuđača, ovjerena i potpisana od strane ovlaštene osobe i osnovni podaci ponuđača
- Obrazac za dostavljanje ponude, Prilog broj 1, popunjen, potpisan i ovjeren od strane ovlaštene osobe;
- Obrazac za cijenu ponude, Prilog broj 2, popunjen, potpisan i ovjeren od strane ovlaštene osobe;
- Punomoć na ime Adisa Jukić i Emir Hodžić, potpisana i ovjerena od strane ovlaštene osobe 23.12.2020. godine
- Izjava o ispunjenosti uvjeta iz člana 45.stav (1)tačke od a) do d) ZJN, ovjerena kod nadležnog organa dana 16.12.2020. godine, Prilog broj 3;
- Uvjerenje Suda BiH, Su:03-7403/20 od 05.10.2020 godine da protiv ponuđača nije izrečena pravosnažna osuđujuća presuda a sve u smislu člana 45. stav (2) tačka a) ovjereno od strane nadležnog organa 16.12.2020 godine
- Izjava o ispunjenosti uslova iz člana 47.st.(1)tačka od a) do d) ZJN,ovjerena kod nadležnog organa dana 16.12.2020. godine, Prilog broj 4;
- Dokaz Federalne uprave za inspeksijske poslove Sarajevo ,broj:UP1-16-17-6-00920/2015-1612-3 od 04.03.2016 godine o ispunjavanju minimalnih tehničkih uslova za obavljanje registrovane djelatnosti, ovjereno od strane nadležnog organa 18.04.2020 godine
- Obrazac Izjave o dostavi garancije za uredno izvršenje ugovora, potpisan i ovjeren od strane ovlaštene osobe, Prilog broj 5
- Pismena izjava iz člana 52. ZJN, ovjerena kod nadležnog organa dana 16.12.2020. godine, Prilog broj 6.
- Obrazac za povjerljive informacije, Prilog broj 7, popunjen, potpisan i ovjeren od strane ovlaštene osobe
- Nacrt okvirnog sporazuma, uredno parafiran, popunjen i ovjeren od strane ovlaštene osobe, Prilog broj 8;
- Obrazac Izjave o prihvatanju općih i posebnih uslova TD, Prilog 9, potpisan i ovjeren od strane ovlaštene osobe,
- Izjava ponuđača o nepromjenljivosti cijena, potpisana i ovjerena od strane ovlaštene osobe,
- Izjava ponuđača da je najduži rok isporuke do 48 sati do trenutka dostavljanja elektronske narudžbenice u radnom vremenu, potpisana i ovjerena od strane ovlaštene osobe
- Izjava ponuđača da prihvataju elektronsko dostavljanje narudžbi od strane ugovornog organa, potpisana i ovjerena od strane ovlaštene osobe
- Izjava ponuđača da prihvataju opciju ponude od 120(stodvadeset) dana,potpisana i ovjerena od strane ovlaštene osobe
- Izjava ponuđača o tromjesečnim zalihama,potpisana i ovjerena od strane ovlaštene osobe
- Izjava ponuđača da je mjesto isporuke JU KBZ-Centralno skladište,potpisana i ovjerena od strane ovlaštene osobe
- Izjava ponuđača da prihvataju rok plaćanja 60(šezdeset)dana od dana isporuke robe ili usluga, potpisana i ovjerena od strane ovlaštene osobe
- Izjava ponuđača da će u toku trajanja ugovora sukcesivno isporučivati plinove tri puta sedmično,a svaka dodatna isporuka u istoj sedmici će se smatrati vanrednom isporukom, potpisana i ovjerena od strane ovlaštene osobe
- Forma garancije za uredno izvršenje ugovora,Prilog broj 10, potpisana i ovjerena od strane ovlaštene osobe
- Potvrda Vanjskotrgovinske komore BIH da niže navedene robe zadovoljavaju uvjete za izdavanje certifikata o bh porijeklu, potpisana i ovjerena od strane ovlaštene osobe
- Aktuelni izvod iz sudskog registra, Općinski sud Sarajevu, broj: 065-0-RegZ-20-007779 od 12.10.2020. godine, potpisano i ovjereno od strane nadležnog organa 16.12.2020 godine
- Uvjerenje Općinskog suda u Sarajevu, broj: 65 0 Kr 013431 20 od 12.10.2020. godine o činjenicama iz službene evidencije, da protiv ponuđača nije izrečena pravosnažna presuda, u smislu čl.45.st.2 tačka a) ZJN BiH, ovjerena od strane nadležnog organa dana 16.12.2020. godine,
- Uvjerenje Općinskog suda u Sarajevu, broj: 065-0-R-20-000943 od 12.05.2020. godine o činjenicama iz službene evidencije, da ponuđač nije predmet stečajnog postupka, postupka likvidacije, u smislu čl.45.st.2 tačka b) ZJN BiH, ovjerena od strane nadležnog organa dana 16.12.2020. godine,
- Uvjerenje Općinskog suda u Sarajevu, centar Sarajevo, broj:065-01-SU-20-001744 od 12.05.2020 godine da prema ponuđaču ne postoji dug u registru novčanih kazni i nije izrečena zaštitna mjera zabrane obavljanja djelatnosti, potpisano i ovjereno od strane nadležnog organa 16.12.2020 godine
- Uvjerenje Porezne uprave Federacije, Regionalni centar Sarajevo, broj: 13-9/4-12-5-4550/20 od 05.10.2020. godine da ponuđač nema duga po osnovu javnih prihoda, ovjereno od strane nadležnog organa dana 16.12.2020. godine.
- Uvjerenje UIO centar Sarajevo, broj:02/6/II-16-11-20-7785/20 od 02.10.2020 g.da ponuđač nema dospjelih a neizmirenih obaveza po osnovu indirektnih poreza, ovjereno od strane nadležnog organa dana 16.12.2020. godine
- Potvrda Raiffeisen bank broj:04357/20 o solventnosti transakcijskog računa,kopija, ovjerena kod nadležnog organa dana 16.12.2020. godine,

Analizom ponude ponuđača „MESSER TECHNOPLIN“ D.O.O. SARAJEVO utvrđeno je da je ponuda uvezana na način utvrđen T.D., da je ista dostavljena u skladu sa zahtjevima u TD, da je ponudjač dostavio sve dokumente, obrasce i izjave tražene tenderskom dokumentacijom o ispunjavanju uslova traženih u pogledu lične, ekonomsko-finansijske, tehničke i profesionalne sposobnosti odnosno da ista ispunjava sve postavljene zahtjeve u pogledu opisa predmeta nabavke. Ponuđač uživa preferencijalni tretman domaćeg, obzirom da je dostavio potrebnu dokumentaciju u skladu sa TD. Komisija konstatuje da je ponuda ponuđača „MESSER TECHNOPLIN“ D.O.O. SARAJEVO , u cjelosti prihvatljiva za ugovorni organ.

Nakon toga prišlo se na ocjenu prihvatljivih ponuda u skladu sa utvrdjenim kriterijima i dodjeli odgovarajućeg broja bodova. U tenderskoj dokumentaciji za nabavku roba: MEDICINSKI PLINOVI, za potrebe Javne ustanove Kantonalna bolnica Zenica, (tender broj 11-104/20), procijenjene vrijednosti 1.740.000,00 KM bez uračunatog PDV-a, RJN oznaka predmeta nabavke: 24111500-0- Medicinski

plinovi, utvrđeni su kriteriji za dodjelu ugovora kao "najniža cijena tehnički zadovoljavajuće ponude." Ponuđač sa najvećim brojem bodova se utvrđuje kao najpovoljnija ponuda. Ponude ne ispunjavaju uslove za primjenu preferencijalnog tretmana domaćeg. Također, tenderskom dokumentacijom planirano je provođenje e-aukcije. Nakon utvrđene kvalificiranosti jedinog ponuđača, nisu se stekli uslovi za provođenje e-aukcije, te ista nije zakazana.

Komisija je izvršila rangiranje i vrednovanje ponuda, kako slijedi:


| RED. BR. PONUDE | PONUĐAČ | CIJENA u KM, bez PDV-a |
|-----------------|------------------------------------|------------------------|
| 1 | „MESSER TEHNOPLIN“ D.O.O. SARAJEVO | 1.836.723.00 KM |

Obzirom da je za nabavku roba – medicinski plinovi za potrebe JU Kantonalna bolnica Zenica (broj tendera: 11-104/20), pristigla samo jedna kvalificirana ponuda, da zakazivanje i provođenje e-aukcije u tom slučaju se ne provodi iz objektivnih razloga, shodno utvrđenoj rang listi, Komisija koja provodi predmetnu javnu nabavku jednoglasno daje preporuku direktoru JU Kantonalne bolnice Zenica da za nabavku roba - medicinski plinovi za potrebe JU Kantonalna bolnica Zenica, na period od 2 (dvije) godine (tender broj: 11-104/20), izvrši odabir i donese Odluku o dodjeli okvirnog sporazuma na procijenjenu vrijednost nabavke od 1.740.000,00 KM bez PDV-a, jedinom ponuđaču „MESSESTEHNOPLIN“ D.O.O. SARAJEVO kao jedinom prihvatljivom ponuđaču.

Na osnovu gore navedenog, donesena je odluka kao u dispozitivu.

POUKA O PRAVNOM LIJEKU:

Protiv ove odluke može se uložiti žalba Kantonalnoj bolnici Zenica u roku od 10 /deset/ dana od dana prijema iste.


DIREKTOR
Prof.dr.sc.prim Skomorac Rasim
Anela J. Anufrić

